



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1846

LXXVIII. Kurfürst Joachim beleihet Ulrich und Christoph Barsewisch mit
Hebungen bei Seehausen zu Schöneberge, Scharpelow, Schindelhof,
Oberstorf, Beusterfelde &c., am 13. Mai 1535.

Nutzungsbedingungen

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

LXXVIII. Kurfürst Joachim beleihet Ulrich und Christoph Barsewisch mit Hebungen bei Ceehausen zu Schöneberge, Scharpelow, Schindelhof, Oberstorf, Beusterfelde etc., am 13. Mai 1535.

Wir Joachim Churfürst etc. Bekennen — das wir vnfern lieben getrewen Ern Joachim, Fridrichen vnd vlrichen gebrudern vnd Heinrichen, Cristoffel vnd Kersten, Jacobs seligen Sone, auch gebruderen, alle die Barsewische genannt, diese hier nachgeschriebē guther Jerliche Zinse vnd Renthe zu rechtem manlehen vnd gesampter handt gnediglich gelihen haben, als Nemlichen Sechs huffen vnd ein fiertel Zeehendt mit dem schmalen Zeehenden vor sehawfen zur heydewart vnd denn Zins geachtet vff acht schillinge, Item zu Schoneberge vff dem hofe dar itzt Claws Gife vffwanth einer hufen Zeehendt, Item das halbe dorff zw Scharpelow geachtet vff vier stücken, Item den Schindelhoff vnd was dar lehens an ist vff funfthalbe Hufe lands geachtet mit dem Blocklandt morgen vnd vßland In als gerechnet, Item einen halben hoff zu Oberstorff den sie forder zu uorleihen haben, Item eine hufe Bede vnd Bedekorns vnd den wagendinst vber den hoff do peter Schwartzte itzt vff wanet, Item vff dem Boysterfelde drey hufen lands ane ein viertel vnd was dar lehen an ist, Item den hoff zur houe vnd eine hufe vnd ein viertel mit dem schmalen Zeehendt ober Werner Nienkirchen hoff zu Ostorff, Item Ir teil das sie haben am berge an der heiden vor Sehawfen gelegen, Dartzu den hoff zum fyleborn mit zwen hufen lands, Inmassen Ire voreltern von vnfern furfahren vnd der marggraffschafft zu Brandenburg dis alles zu Rechtem manlehen vnd gesampter handt Innegehabt besessen vnd gebraucht haben etc. Dornstags nach Exaudi anno etc. XXXV.

Nach dem Copiaro des Kurmärtischen Lehn-Archives XXXIV, 15.

LXXIX. Kurfürst Joachim verleihet Lehnstücke des ehemaligen Capitels zu Boister, am 8. September 1547.

Wir Joachim Churfürst etc. Bekennen — das vns vnferre liebe getreuenn Merten vnd Matthis die fronen, geuettern, zum Boister vnd Grofen Boister gefessenn vnttertheniglich angelangt vnd bericht, das Ir eldern vnd vofaren hans vnd Gericke, die fronen, hans vnd Stefan, gebruder, Peter, Matthis vnd Merten, alle gebruder und vettern, die fronen, vnd Ire manliche leibs lehensserben etwan von dem dechandt vnd Capittel des Stifts zu Boister eine hufe landes vff den Tigelberge zu manlehenn gehabt. Wan dan dasselbige stift vns dem Landeffurftenn vorledigt vnd kein dechandt noch Capittelsperfonn mehr aldo vorhanden, haben vns beurtter Merten frone, Matthisen son vnd Matthis, Steffans son, als Lehenssolger der andern obgenantten fronen vnttertheniglich gebeten, gemelte Hufe Landes Ine vnd Iren manlichen leibs lehens erben als Merten fronen drey teil daran, wie er die ererbet vnd erkaufft vnd Matthisen fronen den vierden teil daran zu uorleihen, das wir angesehen Ire zimliche bitte auch das sie vns die lehenbriue die sie dieser hufen halben von dem dechandt vnd Capittel zum Boister gehabt furgelegt, vnd demnach gedachten Merten vnd Matthisen geuettern den fronen vnd Ihren rechten lehensserbenn eine hufe landes vff den Tigelberge etc. — Zu rechtem manlehen vorliehenn etc. — dauonn sollen sie vns In vnser Ambt Tangermünde Jerlich II wßpl. hafern zu pachte gebenn auch dauon Teichen vnd Thammen auch gewonliche pflichte thun, Inmassen wie andere Ire Nachbarn zum Boister thun vnd dieselbige hufe von vns zu manlehen empfangen vnd nhemen so ofte es zu lehensfeldn kommt vnd vns zu jederzeit wan der eldte stirbt vnd die lehen empfangen werden zwene reinische gulden zu lehenwahre geben